

Flash Notes

Biochemistry | Enzymes

Dr.Abbas

VISIT...

LANZAROTE
Caliente.COM

- ال Enzymes من أهم فصول الترم الثاني على الإطلاق واللي هيفهمها بيو سنة تانية هيبقى في منتهى السهولة بالنسبة له . - اسمها في اللاتينية زايم فلما أقولك زايموجن يعني inactive form of enzyme .

I. Definition

نبدأ بأول حاجة ال definition لو عايز أعرفها هي مواد عضوية organic substances تعمل كعوامل محفزة تساعد على زيادة سرعة التفاعل act as biocatalysts that accelerate the rate of chemical reaction. وساعات في الأورال يسألك عن تعريف الانزيمات في كلمة واحدة هقوله biocatalysts وده أول عنوان خلصناه وهو ال definition

II. Common features

- زمان لما كنت بشرح موضوع ال enzymes كنت بقول all enzymes دلوقتي مينفعش أقول all دلوقتي بنقول مكانها most enzymes are protein in nature طب طالما قيل most اذا هناك exception وهو مجموعة من الانزيمات اسمها ribozymes دول مش بروتين وانما RNA in nature دلوقتي عندي انزيمات مش بروتينات وانما هي RNA في طبيعتها بالتالي ribozymes مش بروتينات دي RNA . rzyme ribonucleic acid تعني إنزيم.

- حلو اوي الكلام ده. طب ايه كمان ، بيقلك ان Enzymes are neither produced nor consumed in the chemical reaction أو مكتوبة عندك not affected by chemical reaction بمعنى ايه الكلام ده؟ بمعنى لا يتم انتاجها ولا استهلاكها في التفاعل الكيميائي. بص معايا ايه وظيفة أي انزيم في الدنيا؟ انه بيجيب أي substrate يعني مادة متفاعلة يرمز لها بالرمز (S) وبيجي الانزيم يرمز له بالرمز (E) يحول ال substrate إلى product أي مادة ناتجة - يرمز لها بالرمز (P) هل التفاعل طلع انزيم؟ لا ابدأ، هل بعد ما خلص التفاعل تم استهلاك الانزيم؟ لا برضو، عندك مثلا: علي وزهير وأحمد، يقولك زهير ده سوسة يعني يجي عند أحمد بقوله عارف علي يقول عليك كذا وكذا ويروح بعد كده لعلي يقول له أحمد قال عليك كذا وكذا فتقوم خناقة نار بين أحمد وعلي وزهير يطلع زي الشعرة من العجين عشان يبحث عن اثنين غيرهم يقوم ما بينهم خناقة جديدة. هو ده الإنزيم وظيفته كده في الحياة يشعل الدنيا، يدور على substrate ويحوله إلى product فهل هو حصل له حاجة؟ لا وانما كما دخل خرج، يدور على substrate آخر يعمل نفس ال reaction عليه ويحوله إلى product جديد. يبقى هو not affected by chemical reaction أو not consumed nor produced in the chemical reaction . حلو اوي كفاية كده.

- ويقولك كمان enzymes don't affect equilibrium constant يعني لا يؤثر على ثابت الإتزان، مش فاهم بصراحة. يعني بين قوسين كده اكتب ΔG remains the same اكتب الكلام ده وهتفهم بعدين هتفهم معانها في الآخر بس اكتب كده.

- وكمان من ال properties of enzymes أنه enzymes are produced in living cells بمعنى انه يتم إنتاجه داخل خلية حية ومع ذلك can work in vivo and in vitro بمعنى انه يتم انتاجه داخل خلية حية وممكن يتشتغل مكان ما اتصنع او ممكن افصل الانزيم من هذه الخلية الحية واروح اعمل بيه

تفاعل في العمل بتاعي جوه test tubes، يبقى هو لا يتم انتاجه الا داخل خلية حية انما can work ما تم تصنيعه in vivo او ممكن افصله واشتغل بيه في العمل او في test tube يعني in vitro . الكلام ده ميعديش كده وبس الكلام ده وراه كلام كتير يعني لازم يتفهم. كثير من امراض الطب يجماعه metabolic diseases أمراض في ال metabolism ليه ؟ نتيجة نقص إنزيم معين. كثير اوي نقص إنزيم معين بيعمل مرض. أشهرهم اللي انتو خدتوه مرض ال favism . فاكرك ؟ ناتج عن نقص انزيم G6PD أي metabolic disease ملوش علاج. يعني متقوليش سيادتك ان علاجه اني اديله الانزيم .. منين ؟ أجيبه منين يعني لما الانزيم لا يتم تصنيعه خارج الجسم، مينفعش اصنع انا انزيم بره الجسم واديلك علاج مينفعش لان الانزيم لا يتم تصنيعه خارج الجسم، فيقولك ان ان أي metabolic disease سيادتك العلاج بتاعه symptomatic يعني ايه symptomatic؟ بعالج العرض وليس السبب. كلمة symptoms يعني اعراض. ثاني تاني بقول ان أي metabolic disease نتيجة نقص انزيم معين ملوش علاج فمحدث يقولي أعالجه اديله انزيم ، هل انت خدت في ال favism اديله G6PD مفيش حاجه اسمها كده، الانزيم لا يتم صناته خارج الجسم وبالتالي مينفعش اديه علاج. طيب الامراض نتيجة نقص انزيم اعالجها ازاي ؟ اعالج العرض لا السبب. العلاج symptomatic يعني العرض أعالج العرض لكن مش ممكن اعالج السبب لانه نقص انزيم وانا مقدرش اعمل انزيم بره الجسم. وصلت ؟ يبقى هو produced by living cell . ده حتى يا جدع لما احب ادلعه باسميه cellular catalyst يبقى معنى cellular انه produced داخل living cell .

- ايه كمان من ال properties يقولك مش انا بقول enzymes are specific كلمة specific دي مش كافية والله العظيم ما كفاية أنا عشان اوصف صح بقول ان ال enzymes are highly specific in their reaction بمعنى يقولك ان 99,9% من الإنزيمات تعمل على متفاعل واحد فقط ، أي كل إنزيم specific to one substrate يعمل عليه one type of chemical reaction . يبقى هما مش بس specific دي مش كفاية والله ما كفاية دول highly specific . معظم الانزيمات كل انزيم واحد يشتغل على substrate واحد بس ويعمل نوع واحد بس من ال reaction.

- أخيرا سيادتك لو عندك كمية من ال substrate وعازيز تحولهم لكمية من ال product محتاج كمية كبيرة كبيرة ولا صغيرة من الانزيم؟ ببقلك enzymes are required in minute amounts أي نحتاج إلى كميات صغيرة جدا جدا جدا من الإنزيم، مين يقلبي ليه ؟ لأنه not consumed اثناء التفاعل ده يا عم الحج بيطلع من التفاعل يبحث على substrate آخر ليحفز تحوله إلى product ومن ثم نحتاج إلى small / minimal amount من الإنزيم لتحفيز ال chemical reaction . أنا عازيك تفهم الشاير ده عازيك تاخده فهم هتستمتع بيه جدا.

- ملخص ما سبق: أن most enzymes are protein in nature ليه مش all لأن بعضهم RNA in nature ويسموا ribozymes، قلت كمان سيادتك أن الإنزيمات are not produced or consumed in chemical reaction وأنهم not affected بال chemical reaction ويبطلع من التفاعل يدور على substrate جديد ، وأنهم - ΔG remains the same - don't affect equilibrium وقلنا هتفهمها بعد شوية، كمان produced inside living cell and can work in vivo and in vitro كمان specific صح ؟ لا مش صح ياعم highly specific in their reaction وأنهم required بكميات

صغيرة ولا كبيرة ؟ required in minute amount inside the body

III. Nomenclature

- معناها تسمية يعني هنسمي الانزيمات، بص معيا هي مش متقسمة عندك عايزك تيجي الحصة الجاية ومعك كل ال highlighters أصفر واحمر واخضر وكل الألوان ومعك قلمك وتعمل زي ما تعمل وتقسم زي ما هقسم. لو هتكلم علي ال nomenclature يا جماعة المذاكرة من الكتاب مش مستحيلة ومش صعبة خالص قسموا كده ال paragraph قسمه ألوان زي ما بقول كده ال nomenclature زي مكا بقول كده لو هقسمها - اكتبها عندك مش مكتوبة - يوجد طريقتين لتسمية الإنزيمات واحدة حديثة وأخرى قديمة old method & recent method.

- زمان زمان زمان كان العلم محدود وكان كل اما واحد يكتشف انزيم اختراع يا جدع ده اكتشفنا انزيم فزامن كانوا بيسمو الانزيمات باسماء لا تدل على وظيفتها، مثلا إنزيم ال trypsin أو ال pepsin فهمت حاجه ؟ لأ يبقى الاسم لا يدل على عمل الانزيم ده زمان .

- مع تقدم العلم وزيادة عدد الأنزيمات مينفعش بقا هجيب اسامي منين فقالك احنا نسمي الانزيم اسم يدل على عمله دي بقا recent method قالك بقا ازاى بسمي قالك والله قي نوعين من التسمية، اذا كان الإنزيم hydrolase أي إنزيم يقوم بالتكسير عن طريق إضافة ماء Hydrolyase: breakdown with addition of water فكيف تتم التسمية ؟ تتم التسمية عن طريق إضافة المقطع 'ase' لل substrate الذي يتم تكسيره فإن كان الإنزيم يكسر ال sucrose كان اسمه sucrase، أما الإنزيم الذي يكسر ال lactose يسمى lactase. اذا في حالة أن عمل الإنزيم هو التكسير بإضافة ماء تكون التسمية 'substrate+ase'، على الجانب الآخر هناك العديد من الإنزيمات التي لا تقوم بأي تكسير وإنما يقوم بعمل آخر غير التكسير بإضافة ماء فكيف تكون التسمية؟ عن طريق إضافة عمل الإنزيم إلى المتفاعل 'substrate+action'. على سبيل المثال إنزيم ما يقوم بعملية carboxylation لمادة اسمها pyruvate فيكون اسم الإنزيم هو اسم ال substrate مضافا إليه عمل الإنزيم carboxylation أي pyruvate carboxylase. أما اذا كان الإنزيم يقوم بنزع الهيدروجين dehydrogenation ل substrate اسمه lactate يكون اسمه lactate dehydrogenase. أما اذا كان الإنزيم يقوم بعمل cycle في substrate اسمه adenylate يكون اسمه adenylyl cyclase. أما اذا كان الانزيم يقوم بعملية substrate ل oxidation اسمه A. Acid oxidase ... وهكذا

ملخص ما سبق : الطريقة القديمة للتسمية old method اسم لا يدل على ال action مثل ال trypsin وال pepsin أما الطريقة الحديثة recent method فالاسم يدل على العمل فإذا كان hydrolase يكون اسمه هو اسم ال substrate مضافا له المقطع ase أما ان كان عمله ليس hydrolase يكون اسمه هو اسم ال substrate مضافا له العمل مثل A. Acid oxidase .

- يبقى كده خلصنا العنوان التالت اللي هو nomenclature ونوحي بقا لعقدة الطلبة chemical nature كل اما ادخل السكشن يقلي ايه ال chemical nature ده ؟ ايه ال cofactor ده ؟ ايه ال

prosthetic group دي والنبي ركز معايا جدا جدا جدا ركز معايا بكل ما تمتلك من حواس .

IV. Chemical Nature

يلا مع بعض chemical nature بغض المصطلحات الكيميائية ، و دي باعتقاد كثير من الطلبة اغلس جزء فركزو معايا ، هي سهلة خالص مش صعبة .

قالك نقسم ال Enzymes حسب ال chemical nature نوعين :

في نوع نسيميه simple ptn enzyme او simple enzyme على طول ، و في نوع ثاني نسيميه conjugated enzyme

ايه الفرق ؟

بيقول لك ال simple enzymes دي عند ال hydrolysis gives only amino acids و عشان كدة نسميها simple enzymes ، النوع الثاني اسمه conjugated enzymes و conjugated يعني مشكلة ، في حاجة ثانية قالم اه اصل conjugated enzymes مكونة من جزء بروتين نسيميه protein part و جزء مش بروتين نسيميه non-protein part

انا متفق معاك من زمان ان اي حاجة مكونة من جزء protein و جزء non protein مين الاهم ؟ الجزء البروتين و نسيميه ، apoenzyme فاكرين لما اخدنا myoglobin و قلنا Apo myoglobin و لما خدنا اسمه جزء بروتين و جزء لا .

ال ptn part اسمه apoenzyme الاتنين مع بعض سيادتك اللي هم ال ptn and non ptn part اسمهم holoenzyme اللي هو كل الانزيم

طيب يا هل ترى ال apoenzyme لوحده functioning ؟ يقولك لا ال apoenzyme و هو لوحده بيبقى inactive و مبيقدرش يشتغل ، يبقى لازم ال apoenzyme يبقى فيه ال non-ptn part بتاعه ، الاتنين شابكين مع بعض و بيدأوا يعملوا شغلهم.

طيب ال apoenzyme و خلصنا منه دا ال ptn part طيب مشكلتنا كلها في ال non-ptn part ركزوا معايا بقى:

بيقولك ال non-ptn part بنقسمه نوعين ، فريق يبقى firmly attached to the apoenzyme يعني باعربي لازق و مبيفكش في ال reaction مفيش مرة هيسيبه فيه ، ده prosthetic group يا دكاترة

طيب لو loosely attached يبقى هو بيشبك و يفك ، ده بنسime cofactor او بنسime coenzyme و معنى كلمة loosely attached يعني اختار وقت مناسب فيه reaction و اروح شابك في ال apoenzyme مفيش ريكشن افك من ال apoenzyme

ركز معايا بقى عشان هنعلى شوية شوية بقى

يقولك ال prosthetic group تتفصل ولا ماتتفصلش من ال apoenzyme ؟ dialysis يعني فصل او عزل ، و بالتالي هي non-dialyzable و ماتتفصلش ، ماتتفصلش عن ال apoenzyme

طيب بالنسبة لل cofactor and coenzyme دول attached firmly ولا loosely ؟ بتتفصل ولا ماتتفصلش ؟ بتتفصل ، يعني ، dialyzable ممكن فصلها عن ال apoenzyme

نمسك حاجة حاجة :

يقولك ال prosthetic group بتبقى dialyzable and firmly attached ممكن الاقي منها نوعين:

نوع organic يعني كاربون و هايدروجين و اوكسيجين زي حاجة اسمها TPP و PLP طيب هحفظ full name ؟ انت لو حفظت الاختصار تبقى بطل عالم في رفع الأثقال

او ممكن يبقى ، inorganic زي ايه ؟ metal : Mg, Zn or CU و هو لو ال prosthetic group عبارة عن metal الانزيم بتاعي اسميه ، metalloenzyme فاكر لما خدنا metalloproteins كانت عبارة عن انزيمات ؟ الصفحة كلها أهو ال metalloenzyme في بعض الانزيمات ال metal مايفكش من الانزيم ، كدة خلصنا ال firmly attached الكبيرة.

ندخل بقى على المشكلة الكبيرة ال loosely attached

قالك دي بقى حاجتين يا اما cofactor يا اما coenzymes

لو هقرا الكلام اللس مكتوب عالنتين في الكتاب عالنتين هلاقي:

cofactors bind to the Apo-enzymes in a loose and dissociate manner <and coenzymes bind to the Apo-enzymes in a loose and a dissociate manner

الله ، طيب ايه الفرق يعني ؟

قالك دا فرق كبير جدا.. ، قالك السما من العمى

ازاي بقى ؟ قالك ال cofactor بيشبك في الانزيم وقت التفاعل و يطلع و ايداه فاضية بقى مش شايل حاجة ، انما ال coenzyme بيشبك في ال Enzyme وقت التفاعل بس برضه و يطلع شايل chemical group بمعنى ان ال coenzymes are group transfer molecules يعني بيشيلو chemical group ، بيشبك وقت التفاعل و يطلع شايل methyl اة زي ما يشيل بس ما يطلعش و ايداه فاضية .

قالك بيشيل chemical group من ال site of generation of canalization زي ايه يعني ؟

يقولك والله : NAD مثلا دا coenzyme دخل في reaction معين شال hydrogen ماطلعش ايداه فاضية فطلع NADH+ هل طلع زي ما دخل ؟ لا ده شال group اهو يبقى هو ده ال site of

generation هو دا المكان اللي شال فيه هيدروجين ، هل هيفضل على طول NADH^+ ؟

لا دا هيدخل تفاعل ثاني يديله الهيدروجين ، فهمت ازاي ؟

يبقى ال coenzyme تطلع ايدها مليانة وال cofactor تطلع مش شايلة حاجة .

عايز أضيف كلمة هي ممكن تلخبطك ، بس الامانة العلمية تقتضي اني اقولها ، بيقولك ال prosthetic group ده ممكن حاجة زي TPP بتشيل و PLP دي برضه بتشيل بس بتشيل و هي شايكة في ال Apoenzyme فهمت ازاي ؟ يعني ال prosthetic group ممكن تبقى metal و ي مش هتشيل حاجة و ممكن تبقى حاجة organic تشيل بس تشيل و هي شايكة في ال . apoenzyme

ال coenzyme ده ايه ، ظه بيشيل بس بيفك

طيب نتكلم بالتفصيل بقى زي ايه ممكن اعتبره coenzyme ؟ ياه كتير اوي والله ممكن ال NADH ده coenzyme او ال THF

اما ال cofactor دا غالبا بيبقى metal و لو ال cofactor كان metal اسمي ال enzyme ايه ؟ metalloenzyme و ده سؤال oral شهير جدا بيقول لك ايه الفرق بين ال metalloenzyme و ال metal-activated enzyme ؟

ال metalloenzyme ال metal عبارة عن prosthetic group بيفك ولا ماييفكش ؟ ماييفكش ، اما ال metal activated enzyme ال metal عبارة عن . cofactor

معلومة لأوائل الكلية !!

ايه الفرق بين ال cofactor و ال activator ؟ من غير activator الانزيم يشتغل ولا مايشتغلش ؟ يشتغل يعني و ده حتى اسمه activator بي ، activate اشتغل اه بس ال activity تبقى قليلة انما ال cofactor من غيره هل الانزيم يشتغل ؟ يبقى ال cofactor دا لازم و ضروري لشغل الانزيم .

طيب بقى ايه العضلة ؟ بيقولك ال non-protein part يا اما . firmly or loosely attached

firmly attached ده بيبقى prosthetic group و بيبقى non-dialyzable ممكن يبقى organic or inorganic و ده شايك في الانزيم و ماييفكش ، organic زي ايه ؟ FMN, TPP او FAD، حاجة سيادتك ممكن تبقى prosthetic group مابتفكش ، ال inorganic ممكن يبقى metal زي Zn, Cu or Mg و لو ال metal كان prosthetic group هنسمي الانزيم metalloenzyme.

طيب سيادتك لو loosely attached يا اما cofactor يا ، coenzyme مركز معايا في ال cofactor يطلع و ايده فاضية مايشلش حاجة و غالبا بيبقى metal و بنسميه metal-activated enzyme اما ال coenzyme يطلع و ايده ماليانة هنا ههو group transfer molecule لازم يشيلو حاجة

hydrogen, methyl, oxygen اي حاجة من ال site of generation لل site of utilization زي NAD

or NADP

عايزين نخلص الحتة دي بقى اللي انا صدعتكوا بيها دي و فيه تجميعتين موجودين في الكتاب بيقولك ايه
 prosthetic groups وال coenzymes اللي شغالين hydrogen carrier و ايه كمان other group
 carriers ؟

Examples على prosthetic group و ال co enzyme اللي شغالين hydrogen carrier لأى جين
 (FMN, FAD, NAD, NADP, iron of heme in cytochrome, lipoic acid, vitamin c, co)
 enzyme Q)

انا لو منك احفظ اتنين ثلاثة بس ممكن يعنى يجيبهمولك فى mcQ يعنى.

Example على prosthetic group و co enzyme اللي شغالين other group carrier
 (plp, tpp, co enzyme A, Lipoate, THF, FH4))

هل انا قلت example على co factor ؟ هل انا جبت سيرتة؟ ال co factor مش بيشيل .

خلصنا الجزء دة ندخل على عنوان جديد نكتب عليه نظرى فى الامتحان

Enzyme specificity

احنا قلنا يا جماعة ال enzyme is specific ؟ احنا قلنا highly specific يعنى كل انزيم specific لكل
 substrate و specific ل one type of chemical reaction و دة اول حاجة فى ال paragraph او
 definition تانى حاجة اكتب ال cause بتاعها لية highly specific ؟

بيقولك ال arrangement of amino acid interactive site of the enzyme.

لو انا عايز ارسوم انزيم بيقولك الانزيم دة large protein molecule مركب كبير قوى بيوصل ل ١٠ الاف
 amino acid مش كل اجزاء الانزيم مهمة ، اهم جزء هو الجزء دة ، دة نسمية active site او
 نسمية substrate binding site عشان بيشبك فى ، substrate او نسمية catalytic site لية اسمة
 catalytic عشان هو اللي بيعمل catalysis.

.....فى مكان مهم اوى المكان دة نسمية allosteric site خدنا كلمة allosteric دى فى ال heme
 قبل كدة يعنى other site بخلاف substrate binding site.

بيقولك لية بقا ال enzymes بتبقى highly specific فى their action ؟

عشان ال specific a. acid arrangement فى ال active site يعنى ال amino acid بترتب نفسها فى ال
 active site وتخلي ال active site دة مناسب ل substrate واحدة ، و specific ل one type من
 chemical reaction .

اية ال importance بقا ؟ اية ال importance of specificity ؟

بص يقا معايا دى عايزة فهم ، لو بصينا يا جماعة لل digestive enzymes انزيمات الهضم هتلاقىها of low specificity ولو بصينا ال metabolic enzymes هتلاقىها , of high specificity انا عايز افهم . نفهم مع بعض . هو يا دكتور احنا بناكل حاجة واحدة ولا بناكل حاجات كتير ؟ ده احنا شغالين اكل ، جميع انواع الاكل ، طب تخيل لو كل اكلة ليها انزيم خاص بيها ، انا هحتاج كمية اداة من الانزيمات ؟ متعديش كتير اوى . يبقى من مصلحتى بقا اخلى ال digestive enzymes of low specificity ولا of high ؟ اخلوها of low ودة يخلى certain group of enzymes تهضم كل انواع الاكل .

تعالى بقا لنقطة مهمة اوى ، احنا اتفقنا فى سنة تانية هناخد ال metabolism التمثيل الغذائى و.....ال metabolism دة pathways مسارات غذائية عديدة ، اصل مسار غذائى يبنى جلوكوز ، مسار غذائى يكسر الجلوكوز ، مسار غذائى يبنى جليكوجين ، مسار غذائى يكسر جليكوجين ، فبالحاجات دى الى اسمها metabolic pathways لازم اتحكم تحكم شديد ولا تبقى poorly controlled ؟

لازم تبقى ، well controlled ، طبيب اتحكم فى الانزيم كويس الى هو متخصص فى substrate واحدة ولا متخصص لأكثر من substrate ؟ بمعنى تانى الست وجوزها هى الست بتتحكم فى جوزها كويس لو متجوزها لوحدها ولا لو متجوز عليها واحدة كمان ؟ بتتحكم فى اكر امتى ؟

لو لوحدها رايح فين وجاى منين وشغلانة بقا ، انما لو متجوز ثلاثة مثلا تتحكم ازاي بقا دة رايح جاى وكل يوم فى مكان . يبقى اتحكم فى ال metabolic enzymes كويس لو هى specific ل substrate واحدة عشان كدة هى . of high specificity لية ؟ to be controlled.

آخر عنوان عندنا فى الحصة

Role of enzymes in catalysis

احنا قلنا اية ال definition بتاع الانزيم ؟

Organize substances act as biocatalyst. that accelerate the chemical reaction

السؤال هنا بقا . ازاي ؟ ازاي بت accelerate ال chemical reaction ؟ هقولك :-

فى قاعدة بتقول اية ((for any substrate to give product it should be placed at high energy

عشان المادة المتفاعلة تدى ال product لازم الطاقة بتاعة ال substrate دى ترتفع

Should be placed at high energy

ال energy دى بنسميها ال ، energy of activation كل الى بيعمل الانزيم انة بي lower the energy of activation ، يقلل ال energy of activation بمعنى ؟

سيادتك في العمل لما تحب تعمل Fehling test بتحت A و B وتحط ال sugar وتروح حائط

الانوية على النار لية؟ بتطلع energy بتزود الطاقة ، الحرارة دي بتزود الطاقة فتخلي التفاعل يحصل
for any substrate to give product it should be placed at high energy

ال energy دي اسمها اية؟ , energy of activation ال action of enzyme ؟ بي lower this energy بيخليها اقل . عشان نفهم ال example بتاعى مش مكتوب فى الكتاب يا جماعة ، لو عندي substrate اسمة sucrose ال sucrose دة هدخله في reaction و اكسدة واطلع منه جلوكوز + فركتوز ، التفاعل دة ممكن يحصل لوحدة من غير انزيم ، وعشان يحصل لوحدة من غير انزيم نسمية uncatalyzed reaction لو في انزيم هنسمية catalyzed ، عشان يحصل من غير انزيم لازم ارفع الحرارة بتاعة ال sucrose واديه كمية من ال energy مقدارها ٢٧٠٠٠ كالورى دي بسميها ، energy of activation ، ممكن نفس ال substrate اللى هي ال sucrose تدي هي ال product اللى هو الجلوكوز والفركتوز ، يعنى نفس ال reaction يحصل بس بوجود انزيم اسمة sucrase يعنى التفاعل دة بوجود sucrase اسمة catalyzed reaction قالك التفاعل دة ممكن يحصل بال sucrase بس محتاج كمية اقل من الطاقة بيحتاج ٩٠٠٠ كالورى ، يبقى اللى عملة ال sucrase انة قليل ال energy of activation.

يبقى دور الانزيم انة عمل lowering of energy of activation ودة بنسمية catalyzed reaction .
انا مش هعمل اى حاجة غير ان الكلام دة هرسمه على curve دة مهم جدا مش هيقول لك ارسمة لكن ممكن يجيبهولك mcQ فى اى curve انا متفق معاكم من زمان ان هم y axis و x axis ،
افقى اكتب عليه ال cause of reaction وعلى ال y axis اكتب ال energy .
ال sucrose يتحول ل glucose و fructose مرة catalyzed ومرة uncatalyzed ال sucrose هرسمه اهو بالاسود ، انا هبدأ ب substrate اسمة sucrose ودة مستوى الطاقة بتاعة ال sucrose عشان ال sucrose تدي product اللى هو glucose و fructose لازم ارفع الطاقة اهو سيادتك الطاقة ترفع اهي ل ٢٧٠٠٠ كالورى فيحصل reaction وتدينى product بيقولك الخط دة هو مستوى الطاقة بتاعة ال substrate والخط دة ييمثل مستوى الطاقة بتاع ال product بص بقا على النقطة دي بسميها عندك T1 اسمها . transition state تعريفها؟ هو اعلى مستوى من الطاقة تصل اليه ال substrate عشان تدي product بمعنى اية :- لو انت مسافر نيويورك ملقتش طيران لنيويورك ولو لقيت طائرة رايحة فرنسا بتقف ساعتين وبعد كدة بتغير لنيويورك ، الساعتين دول اسمهم اية ترانزيت (حاجة مؤقتة) هل انا يا جماعة غرضي اني اوصل للنقطة دي ؟ ولا اوصل لل product بس غصب عنى عشان ابقى product لازم اعدى على النقطة دي ، لازم اقف ترانزيت فى النقطة دي ، عشان كدة اسمها transition state وان الخط الاسود هو ال uncatalyzed وتبقى دي transitional state of uncatalyzed reaction .

طيب الجزء دة ويمثل مقدار الطاقة اللى عليت بيها دة بسمية سيادتك ال energy of activation الطاقة اللى عليت بيها دول بيمثلوا ال ٢٧٠٠٠ كالورى اللى عليت بيهم energy of activation بس يتاع uncatalyzed reaction طب سيادتك بقا هبدأ ارسم نفس التفاعل بس بوجود ال

sucrase يعني بوجود catalyst انا هعمل بنفس ال substrates و لا ب substrate ثانية ؟ يعني نفس ال substrates ونفس ال energy ونفس ال product وهو نفس التفاعل اية هيفرق بقا ؟

ال energy of activation ال substrate هتعلو لمستوى اقل من الطاقة ، النقطة دي يا دكاترة اللي اسمها T2 اسميها transition state بس بتاعة ال catalyzed reaction وهو اعلى مستوى من الطاقة تصل الية ال substrate عشان تدي product طيب الخط دة بسمية energy of activation بس بتاع ال catalyzed بص بقا الفرق الكمية دي كلها (uncatalyzed) energy of activation والكمية دي (catalyzed) energy of activation اقل؟ ال catalyzed ولا ال uncatalyzed ال catalyzed اقل يبقى سيادتكم الانزيم عمل اية؟ . lowering of energy of activation

ركز معايا في حاجة اسمها ΔG هقولك ال ΔG تمثل اية اكتبها عندك مش مكتوبة

$$\Delta G = \text{energy of product} - \text{energy of substrate}$$

في الفيزياء كلمة دلتا (Δ) يعني فرق ، و G يعني energy يعني فرق ال energy بتاع ال product من ال , energy of substrate بدمتك هل ال (ΔG) اتغيرت من ال catalyzed ل uncatalyzed ولا ثابتة؟

ثابتة طبعا ΔG هي ودة يعني does not affect the equilibrium constant معنى كدة الكلام دة ان ΔG هي سواء من غير انزيم او بوجود انزيم ΔG هي هي ، مين فاهم يقول لية ؟ لأن ال substrate هي هي ، و ال product هو هو ، وبالتالي ΔG ثابتة يعني الانزيم does not affect the equilibrium constant .